



KO TE

## KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, TIHEMA 18, 1919.

**H**E TUHITUHINGA HE.—*Kahiti o Niu Tirenī* Nama 30, wharangi 491, o te 24 o Hurae, 1919: Panuitanga mo Manaia Nama 107 Poraka, Wahanga 4 me 5B 3B, Takiwa Ruuri o Tiffen, hei Whenua Karauna: Mo te taha ki tona nui e 25 nga eka 1 ruuri 16 nga paati, me penēi ke, 17 nga eka e 3 nga ruuri e 33 nga paati.

*Panuitanga kua riro tetahi Whenua Maori hei Whenua Karauna i raro i Tekiona 368 o te Ture Whenua Maori, 1909.*

(L.S.) LIVERPOOL, Kawana-Tianara.  
HE PANUITANGA.

**N**OTEMEA kua whakaritea, *inter alia*, e tekiona toru rau e ono tekau ma waru o te Ture Whenua Maori, 1909 (ka huiana i raro nei ko "taua Ture"), ka ahei te Karauna ki te hoko mai i tetahi whenua Maori i runga i tetahi motini a nga tangata no ratou te whenua e noho huihui ana i paahitia a i whakaturutia hoki i runga i nga tikanga o Wahi XVIII o taua Ture, a ina whakaactia peratia taua motini e te Poari Hoko Whenua Maori ka tu taua motini hei kanataraka hoko i waenganui i te Karauna me nga tangata katoa no ratou taua whenua, a ka ahei te Kawana-Tianara, i runga i te Panuitanga, i nga wa katoa, i muri iho i te mahinga peratanga o tetahi kanataraka hoko, ki te whakatau ko te whenua i hokona peratia mai kua tau atu ki te Kingi, a hei reira ka tino tau atu ki a ia, a ka noho hei whenua Karauna.

A notemea i paahitia he motini e tetahi huinga o nga tangata no ratou te whenua a i ata whakaturutia taua motini e te Poari Whenua Maori o te Takiwa o Waiariki, ara ko te whenua e whakaaturia nei i roto i te Kupu Apiti ki tenei me hoko atu ki te Karauna.

A notemea kua ata whiriwhiria a kua whakaactia taua motini e te Poari Hoko Whenua Maori.

Na reira, i runga i te whakahaerenga me te whakatutukitanga o nga mana me nga kaha kua whakawhiwhia ki a au e tekiona toru rau e ono tekau ma waru o taua Ture, ko ahau, ko Arthur William de Brito Savile, Earl of Liverpool, te Kawana-Tianara o te Tominiona o Niu Tirenī, tenei ka panui ko te whenua e whakaaturia nei e te Kupu Apiti ki tenei kua tau ki te Kingi.

KUPU APITI.

POHOKURA Nama 13 Poraka: Tona nui e 8,627 nga eka e 3 nga ruuri 18 nga paati; Takiwa Ruuri o Heruiwi.

He mea tuku i raro i te ringa o His Excellency te Right Honourable Arthur William de Brito Savile, Earl of Liverpool, Mema o te Tino Honore Piriwi Kaunihera o te Kingi, Knight Grand Cross o te Most Distinguished Order of Saint Michael me Saint George, Knight Grand Cross o te Most Excellent Order o te British Empire, Mema o te Royal Victorian Order, Knight of Justice o te Order of Saint John o Hiruharama, Kawana-Tianara, Tino Rangatira o te Tominiona o te Kingi i Niu Tirenī me nga Motu kei raro i te mana o taua Tominiona; he mca whakaputa i raro i te Hiiri o taua Tominiona, i te Whare o te Kawana, i Poneke, i tenei te tekau o nga ra o Tiheima, te tau o to tatou Ariki kotahi mano e iwa rau kotahi tekau ma iwa.

F. H. D. BELL,  
Mo te Minita mo nga Mca Maori.

E TE ATUA TORUNGIA TE KINGI!

## PANUITANGA KOOTI WHENUA MAORI.

WHAKANUKUHANGA O TE TUUNGA O TE KOOTI WHENUA MAORI KI TIKITIKI.

Tari Kooti Whenua Maori, Kihipaue, Tiheima 6, 1919.

**H**E panuitanga tenei kia mohiotia ai ko te tuunga Kooti i panuitia i roto i te *Kahiti* mo te 4 o nga ra o Pepuere, 1920, ki Tikitiki, kua nukuhia e te Tiati Tumuaki mo te 4 o nga ra o Maehe, 1920, ki taua wahi ano.

HERORA KAA, Kai-rehita.